

# STORACLES OF PROPHECY

Vantung Kongvangte

Piancil 27:1-28

Ta-ang Thu . . .

**J**acob in a zuauphuahna leh a huaihamna te hangin a thuak khak ngei het loh hawmsuakna, lunglenna leh lungkhamna te thuak hi. Khatna ah, a upa Esau in ata upa za a zuak nadingin Jacob in ka-al hi. Tua khitciangin a nu huhna tawh Esau ngah ding, ta upa za thupha a ngah nadingin mittaw a pa, Isaac, khem hi.

A sanggampa a khem man-a thah ding alau manin, tu-in Jacob inn pan hong taikhia hi. A gamtatna sate a ngaihsut kik ciangin, alu kuunsuk iin nakpi takin a kap hi. Tu-in gampalakah khatkia alukham ding suangtum leh akidal nading ciangtawn khat tawh gimin hong tawlnga a, Pasian in ka mawhna te hong maisak-in-ka nu leh pa te ka mu kik mawk tam maw ci-in ahu sa'anga, lusuu iin hong ihmuh hi. Sawtlo-in akician mahmah ma-ang khat man pah a, ataang mahmah khuavaak kahlei khat vantung pan kitholh suk-in leitungah kinga suk hi. Tua kahlei tungah vantungmi simzawh loh ding akahto akumsuk amu hi.


Tua ciangin Jacob in vantung panin Pasian in, na khualzinna thupha kong pia ding hi ci-a agen za hi.

Topa in Jacob tawh a kiciam banglian mah Abraham leh Isaac te tawh zong abawlkhita thu theician sak hi. A khanlawh ciangin Jacob khukdin iin ka huaihamna panin ka khawl taktak ding hi ci-in kiciam hi. "Nong piak khempeuh lakpan sawm ah khat nang kong pia ding hi," ci-in a kiciam hi. Piancil 28:22.

Pasian in Jacob kiciamna sang hi. Vantung kongvang te hon iin thupha pia a, tua zawh kum 20 khitciangin Jacob inn aciah kik ciangin neih leh lam kicing anei mahmah pa leh acingh mahmah pa hong suak hi.

©Review and Herald

AMAZING FACTS



## Thu Sinna

Laisiangtho na sim khitciangin a awng munte behlap in.

### 1. Jocob in sawmahkhat Pasian kiangah piak ding hi cih koi lai pan thei hiam?

Piancil 14:18, 20 Tua ciangin Salem kumpipa Melkhizedek in...  
Sang pen Pasian' siampi zong ahihi... Abraham in na khempeuh \_\_\_\_\_ suah seh khat ama tung a pia hi.

Phawk Ding: Sehsuah pen mi khat ii sumlut ii sawmahkhat ahi hi. "Sehsuah" cih kammal in "sawmahkhat" cihna ahi hi. Jacob pu, Abraham, in etteh dingin sawmahkhat ta-angtawngpekin Pasian siampipa Melchizedek tungah na pia hi.

### 2. Ih sumlut lakah bangzah Pasian neihsa kihel hiam?

Siampi Laibu 27:30 \_\_\_\_\_ khempeuh ...  
\_\_\_\_\_ aa ahihi. Topa adingin siangtho hi.

Phawk Ding: Atatak ah, ih neihsa 100 ah za pen Pasian aa hi.  
Late 24:1 Leitang leh a tunga omte, leitung leh atunga teengte in Topa aa hi.

Ahih hangin Pasian in na khempeuh Ama aa himah hi cih upna ih lahna dingin sawmahkhat piak kik ding hong ngen hi.

### 3. Ih sehsuah tawh Pasian in bang sem hiam?

Gamlakovna 18:21, 24 Israel sunga \_\_\_\_\_  
khempeuh Levi mite tungah gamh-in ka pia hi...  
Israel mite \_\_\_\_\_ suah seh khat pen Levi mite tungah luah dingin ka pia khin hi.

1 Corinthians 9:13, 14 A siangtho nate asemte in \_\_\_\_\_  
pan an ane uh hi. Biakna tau na asemte in biakna tau tawh  
kipawlin \_\_\_\_\_ angah uh thei lo na hi uh hiam? Tua bang  
mahin Lungdamna Thu ahilhte in \_\_\_\_\_ Thu pan akivak  
nadingun Topa in thu apia hi.

Phawk Ding: Laisiangtho Lui sungah Pasian in sawmahkhat Ama nasem Levite mite neek dingin gen hi. Pasian in 1 Corinthians 9:13 sungah ta-anglai aa siampi biakinn-a kipia sehsuah te apiak mah bangin, tuhun-a lungdamna thupuak nasem te zong pawlpi tungtawna kipia sehsuah te pan piak ding ci hi.

### 4. Sehsuah thu pen singlamteh ah abei Moses thukham lui sunga kihel ahi hiam?

Piancil 28:20, 22 Tua ciangin Jacob in thuciamna khat bawlin... keima tungah nangmah in nong piak khempeuh sehsawm suah sekhhat  
Nang tungah kong \_\_\_\_\_ ding hi ci hi.

Phawk Ding: Beilo! Moses tungah thukham akiapiak mapekin Abraham leh Jacob in angah lak uh pan sawmahkhat napia khin uh hi. Sinai mapek aom khinsa ahih manin singlamteh tunga bei limciing thukhamte ah kihel lo cihna ahi hi. Sehsuah piak ding thukhun pen Pasian in Ama nasemte panpihna dinga agel ahih manin tuni dong kipin muibun lai hi.

### 5. Ahihhang sehsuah piakna pen Zeisu in deih lo hilo hiam?

Matthew 23:23 A simtat laitheite leh Farisaite aw, note in gimna na thuak ding uh hi. Bang hang hiam na cih uh leh, leengmasel leh, anis leh, kummin, \_\_\_\_\_ suah seh khat na piak uh hangin, thuman thukhenna, midangte hehpikhna, thumaan na ahi Thukham sungah \_\_\_\_\_ pen thute na tang kei uh hi. Adangte tang lo-in, hihte na tan ding uh kilawm hi.

Phawk Ding: Hilo hi! Pharisee te in Pasian tungah lengmasel, masala, leh kummin sing namtui-a kipanin meh namtui nam khempeuh, sawmahkhat pia napi-in, thukham sungah a thupizaw ahi thutang, hehpikhna, leh upna te na don kei uh hi, ci-in Zeisu in Pharisee te taii hi. Sehsuah piak amawsak hilo a, a thupi sep ding dangte a awlmawh lohna hang uh hi zaw hi. Tua manin Zeisu in, "Adangte nusia tuanlo-in hih thute [sehsuah] nasep ding uh ahi hi," ci hi.

### 6. Sehsuah thu ah Pasian in a lamdang bang hong kamciam hiam?

Malachi 3:10 Ka biakinn ah ... sawmah khat a kim in hong paipih un. Kei hong \_\_\_\_\_ dih un; vantung kong khak te \_\_\_\_\_, note adingin na hoih tampi kong \_\_\_\_\_ na mu ding uh hi.

Phawk Ding: Pasian in, "Sehsuah piak ding na lunghian uh leh, hong sin un, thupha a tampie ka hong pia hiam ka hong pia kei hiam" ci hi. Sehsuah piapia mi tulza tampite in Pasian in thupha hong pia takpi mah hi hong ci ding uh hi. Nang piak, Pasian hong piak sangin tam zaw lo ding hi!

### 7. Pasian in A mite kiang ka saal sungah na sehsuah khempeuh uh hong paipih un ci hi. Bang a deihna hiam?

Nehemiah 13:12 Tua ciangin Judah mite khempeuh in, a leenggahzu, leh sathau sung pan sehsuah hong paipih in \_\_\_\_\_ innte-ah hong tun uh hi.

Phawk Ding: Saal cih pen Pasian' biakinn hi. (Laisiangtho sungah "sumkolhona" leh "an saal" cihte a kibanghi). Malachi 3:10 ah, Pasian in saal sungah acih pen "an saal" cihna hi a, akhiatna in A biakinn, aihkei leh biakpiakna mun ci nuam hi. Adang Laisiangtho mun te ah, Khangthangtu Masa 9:26; Khangthangtu Nihna 31:11, 12; leh Nehemiah 10:37, 38 te ah en leng, saal pen biakinn, sumkolhona biakinn cih teltakin kithei hi.

### 8. Sehsuah ih piak ciang, angah tatak kua hiam?

Hebrews 7:8 A si thei mihingte in sawmah khat la uh a, a thudang khatah a nuncta hi a kici \_\_\_\_\_ [Zeisu] in a la hi.

Colossians 3:23 Mi nasem bang bek hi loin \_\_\_\_\_ bangin na hihna khempeuh uhah itna lungsim tawh hi ta un.

Phawk Ding: Sehsuah ih piak ciangin mi tungah pia hilo a, Pasian tungah pia ih hih lam a tawntungin ih phawk ding kisam hi. Ama neihsa hi. Pasian tungah pia ih hih nak leh kibangci zat cih lunghimawh ding hilo hi. Pasian in Ama neihsa sumte a kem zo dingin kicing a, Ama sumte zek dinga kilawm lo, azek kha aom leh zong a kua cih omlo, a uk zo dingin Topa muanhuai hi.

## 9. Ama neihsa, ka sehsuah te banah Pasian in A mite tungah A nget lai bang om hiam?

Late 96:8 Biakpiak na hong \_\_\_\_\_ Topa huangsung ah hong pai un.

Malachi 3:8 Mikhat peuh in Pasian na guksakding kilawm ahi hiam?... \_\_\_\_\_ piakna leh biak piakna te ah nong guksak uh hi.

Phawk Ding: Topa in, Amah ih itna leh Ama hong piak thupha hanga lungdam kohna lahna iin, phaltak-a piakkhiatna te eite tungah hong ngen hi

## 10. Sumpi bangzah khia ding ih hi hiam?

2 Corinthians 9:7 Pasian in piaknopna \_\_\_\_\_ tawh a pia mite bek deih ahih manin, a kuamah peuh in na lungsim sung uhah na ngaihsutsa zah ciat uh na pia un la, pia nuamloppi leh sawlzawh thu bek tawh na pia kei un.

Phawk Ding: Laisiangtho in ciangtan lian neilo hi. Mimal kim in ciptiakna bangzah pia ding ka hiam cih Pasian tawsawnna tungtawna, a khensat ding ahi hi.

## 11. Pasian gam luah ding ih kilamet leh ih zawh ding akul Adam leh Eve lelh kisitna (test) in bang hiam?

Piancil 3:3 Huan laizang a om \_\_\_\_\_ na ne \_\_\_\_\_ ding uh hi, zong na \_\_\_\_\_ kei ding uh hi. Tua bang hih le uhcinc na si ding uh hi.

Phawk Ding: Pasian in Adam leh Eve kiangah huan sunga singgah teng khempeuh lakah sia leh pha theihna kung khatbek sim loh ne thei dingin gen hi. Tua singgah pen nekloh ding or zong lawn loh ding hi, tua bang hi kei leh na si ding uh hi. Tua singkung pen a ut uh leh lawnga neek thei dingin om hi Pasian in sikkai khunglo hi. Amaute in Pasian muanglo uh ahih manin la in ne uh hi. Tuni-in nang leh kei zong tua banglian-in hong kisit hi, "Na ngah teng khempeuh lak pan sawmahkhat longal avekpi-in nang ading hi, ahih hangin sawmahkhat pen Kei aa hi. Hong zat sak kei un" hong ci hi. Ahih hangin ih ut leh zat sak theih veve dingin ih kiangah hong kohi hi. Ahih hangin ih zat khak leh Adam leh Eve banglian-a gamta ih hi hi. Pasian tungah citak maw cih kisitna hi-a singgah tektek kisalmo hi. Pasian in sawmahkhat adeih hi lo a, eite' itna, cihtakna, leh muanna te hong kisitna ahi hi. Na khempeuh Pasian aa hi.

## 12. Sehsuah leh sumpi Pasian ih piak nop kei leh bang thukham a palsat ih hi ding hiam?

Malachi 3:8 Mi khat peuh in Pasian na \_\_\_\_\_ ding kilawm ahi hiam? Kilawm lo hi napi in note in nong \_\_\_\_\_ uh hi, ahi zongin note in, Bang hong guksakka hi uh hiam? na ci uh hi. Sawm-a khat piakna leh biak piaknate ah nong guksak uhhi.

Paikhiatna 20:15 Na na \_\_\_\_\_ kei ding hi.

Phawk Ding: Thei napi a sumpi leh sehsuah piak acitak lo te Pasian in guta ci hi. Mi khat in midang khat neihsa a guksak hoih kisa hetlo napi, Pasian neihsa a guksak ngam te bangzah iin lipkhan huai hiam! Kha ma-antha'ng te kiang lungdamna thu puakna dinya Pasian in agel sum te gu dinga kipan ngam cih pen a ngaihsut hak mahmah thu khat ahi hi.

## 13. Thei napi a, Pasian' sehsuah leh sumpi te aguuk sak te tungah Pasian in bang piang ding hi ci hiam?

Malachi 3:9 Na minam bup un Keima neihsa hong guuksak na hih manun note khempeuh tung ah \_\_\_\_\_ hong tung hi.

1 Corinthians 6:10 \_\_\_\_\_, huaiham duhhopte, zukham theite, hangsan kosiate, zawhthawh bawla sum suite in Pasian gamsung alut kei ding uh hi.

Phawk Ding: Sehsuah leh sumpi piak a citak lo te akikhel kei uh leh samsiatna ngah ding te ahi uh hi. Guta te mah bangin Pasian' kumpi gam kong kikhaksan ding hi.

## 14. Bang hangin deihgawhna lauhuai mahmah hiam?

Luke 12:34 Bang hang hiam na cih uh leh, na sum kholna munah na \_\_\_\_\_ uh zong aom ding hi.

Phawk Ding: Deihgawhna in sihna piang sak hi ahangin ih sumkhola ih lungsim in zui hi. Ka bulphuh in sum leh paai neih beh ding bebek ahih leh ka lungsim akiphask, a-iksiik, abuaham suak hi. Ahihhang ka bulphuh in Pasian' gam ta'angzai nading ahih leh ka lungsim akiniamkhat, athukhual, itna nei, leh mi hehpiah a suak hi. Ih neih ih lamh ah ih lungsim om tawntung hi. Judas huaiham iin sum adeih luatna hangin dangka 30 tawh Zeisu na lehheh ahihlam ih mangngilh hetlo ding ahi hi (Matthew 26:14-16).

## 15. Pasian' Sehsuah leh sumpi te ih guksak ciang Zeisu in bangcisa iin ih um hiam

Hebrews 3:10 Tua khang tungah Ka \_\_\_\_\_ a, amaute citaklo niloh uh hi.

Phawk Ding: Ta in a pa sumbawm sunga sum aguuk sak ciangin a pa in na asak mah bangin Zeisu in zong nasa mahmah kha ding hi. A sum ma-ang pen na asa himasa lo-in a ta gitnat lohna, itna anei lohna, amuan lohna hangin a pa in na asa mahmah ahi zaw hi. Eite khatbeek in ih Honpa lungtang ih nasak nuam het kei hi.

## 16. Piakkhiatna tawh kisai Pasian in Laisiangtho sungah adang bang na gen lai hiam?

A. 2 Corinthians 8:5 Amaute pen Topa tungah \_\_\_\_\_ masa uh hi.

B. Paunak 3:9 Na neihcate leh na \_\_\_\_\_ tawh Topa zahtak in.

C. Paunak 11:24, 25 Mi pawl khat in sum zang ziahziah napi in \_\_\_\_\_ a, mi pawl khat in cil mahmah napi, zawng semsem uhhi. A \_\_\_\_\_ mite hau semsem ding a, mi dang ahuhte in huhna mah ngah kik ding hi.

D. Sawltaakte 20:35 \_\_\_\_\_ sangin \_\_\_\_\_ ah lungdamna lian zaw hi..

E. Luke 12:21 \_\_\_\_\_ ading sum a kholicpte pen Pasian maiah a \_\_\_\_\_ mi...

F. Luke 6:38 Midangte na piak uh leh, note hong kipia kiik ding hi. Seeng ateh hoih bek tham lo, kinengcipa, kilok, kitat a \_\_\_\_\_ in Pasian in note hong pia ding hi.

G. 1 Corinthians 16:2 Na sum [Pasian kiang pan] \_\_\_\_\_ uh tawh kizui-in sekhbia ciat unla, na koih un.

H. Thuhilhkikna 16:17 Topa na Pasian un note \_\_\_\_\_ hong piaknasa tawh \_\_\_\_\_ in mi khempeuh in ama hih theih bang ciatin pia ding uh hi.

Phawk Ding: Pasian thupha kihel lo sawmah sawm sangin, Pasian thupha kihel sawmah kua in manpha zawpek ding hi. Pasian in vantung kongvante hongin thupha hong piak ciangin sum bek hong hiden lo ding hi. Cidamna, lungnopna, ih ngetna te hong dawnna, lungmuanna, innkuuan ki-itna, thahatna, khentat siamna, Zeisu tawh lamton khop semsemna, kha tampi ngahna, atull mawtaw sawtpi zat theihna, cih atuamtuam te zong hong kihel ding hi. Zeisu a it takpi hi leng, Ama nasepna dinya kipiakkhiatnate vangik hi ngeilo ding hi. Tua sangsikan, thupha hong hizaw dinga lungdam kipakna lianpi leh lungkimna tatak hong suak zow ding hi.

## 17. Jacob in a ma-anga amuh kahlei in kua limciing hiam?

John 1:51 Aman takpi kong cih in ah, van kihongin Pasian' vantungmite in \_\_\_\_\_ tungah a kumsuk a kahto a om na mu ding uh hi, aci hi.

Phawk Ding: Jacob in vantung pan leitungah akidawh suk kahlei khat mu a, tua in mihing Tapa limciing ahi hi. Malachi 3:10 sungah, Pasian in, "Na sehsuah khempeuh uh ka saal sungah nong puak uh leh vantung kongvante hongin thupha tampi kongpia ding hi," ci hi. Tua thupha in Zeisu hi.

## 18. Zeisu ih piak theih alian penpen in bang hiam?

Paunak 23:26 Ka ta aw, \_\_\_\_\_ hong pia in, Kei ma gam tat bangin nang zong gamta in.

Mark 7:6 Hih mipawlte in amau kam uh tawh kei hong zahtak uh hangin, \_\_\_\_\_ uh kei tawh kigam la hi.

Phawk Ding: Zeisu in ih lungsim anei ciangin, ih na dang khempeuh zong a nei hi.

# Nang Dawnna

Sehsuah leh sumpi te citak tak a ih piak ciangin, ih nuntaakna sunga ih sepnah khempeuh ah Zeisu in ei tawh hong kipawla suak hi. Zeisu na pawl dingin sehsuah leh sumpi te Pasian kiang apna tawh na zawn nuam hiam?

DAWNNA: \_\_\_\_\_